

虛羸

母氣不足則羸瘦肉極 巢氏論小兒羸瘦不生肌
膚皆爲脾胃不和不能飲食故血氣衰弱不能榮於
肌膚也挾熱者卽溫壯身熱肌肉微黃其挾冷者卽
時時下利唇口青白 小兒經諸大病或驚癇或傷
寒或溫壯而服藥或吐利發汗病差之後氣血尚虛
脾胃猶弱不能傳化穀氣以榮身體故虛羸也 錢
氏虛羸冷者木香丸主之夏月不可服如有證則少
服之熱者胡黃連丸主之冬月不可服如有證則少

服之

虛羸與疳同治也
九胡黃連丸見疳條

木

薛氏云更當審其形

色察其見證如面赤多啼心之虛羸也面青目劓肝之虛羸也耳前後或耳下結核肝經虛火也頸間肉裏結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二證不可不辨若腹痛瀉利清白不渴喜熱此屬寒證雖在夏月宜木香丸身熱煩躁瀉利焦黃作渴喜冷此屬熱證雖在冬月宜胡黃連丸皆捨時從證之治法也

錢氏論用藥識證云鄭人齊

郎中者家好收藥散施人其子忽藏熱齊自取青金

膏三服併一服而餌之服畢至三更瀉五行其子因

睡齊言子睡多亦驚又與青金膏一服又瀉二行加

口乾而身熱齊言尚有微熱未盡又與青金膏其妻

曰用藥十餘行未安莫生病否召錢氏曰已成虛羸

先多煎白朮散時時服之後用香瓜丸十三日愈

散見渴木瓜丸見汗

薛氏治一小兒十三歲面赤驚悸發熱

形體羸瘦不時面白噁氣下氣時常停食服保和丸

及清熱等藥余曰面赤驚悸心神怯也面白噁氣心

火虛也大便秘下氣脾氣虛也此皆稟心火虛不能生

脾土之危證前藥在所當禁者不信又服枳朮丸鎮

驚等藥而諸證益甚大便頻數小腹重墜脫肛痰涎
飲食日少余先用六君子湯爲主佐以補心丸月餘
飲食少進痰涎少止又用補中益氣湯送四神而愈
畢姻後病復作墜時至仲冬面白或鰲色手足冷喜
食胡椒薑物腹中不熱脉浮按之微細兩尺微甚乃
用八味丸元氣復而形氣漸充年至二十苦畏風寒
面目赤色發熱吐痰唇舌赤裂食椒薑之物唇口卽
破痰熱愈甚腹中却不熱診其脉或如無或欲絕此
寒氣逼陽於外內真寒而外假熱也仍用八味丸而
諸證頓愈 一小兒八歲面常青色或時色赤日間

目劄夜睡咬牙二年餘矣服清肝降火之藥益甚形
氣日羸求治於余曰肝主五色入心則赤白入則青
蓋肝屬木而生風故肝氣爲陽爲火肝血爲陰爲水
此稟肝腎精血不足虛火內動陰血益虛虛而生風
風自火出故變面赤目劄等證耳非外風也遂用地
黃丸以滋腎水生肝木兩月目劄咬牙悉止又三月
許諸證尋愈而元氣亦充矣凡肝經之證若肝木實
熱生風而自病或肺金實熱而尅木者宜用清肝降
火之劑以瀉其邪氣若肝經風熱而目直等證用柴
胡梔子散以清肝火加味四物湯以養肝血若腎虛

而咬牙諸證用六君子湯以健脾土六味地黃丸以滋腎水則愈 一小兒脾氣虛弱飲食停滯發熱作渴服瀉黃散不時下痢余先用保和丸二服而愈但不食惡心面青手冷又用六君柴胡升麻四劑面色痿黃食進手溫惟形體羸甚倦怠發熱小腹重墜肛門脫出用補中益氣湯加半夏肉豆蔻二劑而安凡脾胃之證若發熱作渴飲食喜冷或泄瀉色黃睡不露睛者屬形病俱實宜用瀉黃散疎導之若發熱口乾惡冷或泄瀉色白睡而露睛屬形病俱虛宜用異功散調補之若脾氣下陷者補中益氣湯寒水侮土

者益黃散肝木尅脾者六君加柴胡若目睛微動洩
熱抽搐吐瀉不食宜用祕旨保脾湯凡小兒諸病先
當調補脾胃使根本堅固則諸病自退非藥所能盡
祛也 一小兒五歲形氣虛羸睡中咬牙夜間遺尿
日間頻數余以爲稟腎氣不足用補中益氣湯加補
骨脂地黃丸加鹿茸以補脾腎而痊畢姻後小便頻
數作渴發熱日晡益甚恪服黃檗知母等藥以滋陰
降火後患腎痿卧床年許余因考績北上仍用前藥
喜其慎疾半載而痊 一小兒年十一歲面白或赤
足軟不能久行用地黃丸加鹿茸年許而瘥畢姻後

兩目羞明兩足仍軟用前丸及補中益氣湯而痊後
病復發增口渴足熱頭顙覺開視物覺大此腎虛瞳
人散大而然也服前藥遠房事則愈因不自保終患
腎痿而歿仲陽先生云此證屬腦髓不足不能榮養
宜用地黃丸補之有至七八歲或十四五歲氣血既
盛而自合若縱恣色慾戕賊真陰亦不能盡其壽矣
一小兒形瘦不時咳嗽自用參蘇飲一劑更加喘
急驚搐面白或黃余謂此稟脾肺不足而形氣虛羸
因前劑峻利外邪雖去而肺氣益虛肺虛則宜補脾
先用異功散加桔梗釣藤鈎一劑痰喘頓定乃去桔

梗加半夏當歸再剉驚搐亦去又加酸棗仁治之而
安年十五歲發熱痰盛作渴面赤形體羸瘦用地黃
丸加五味子及補中益氣湯各百餘劑而形氣漸壯
若認爲陰火用黃蘗知母等藥復傷生化之源其亦
不治者矣 一小兒五歲尚飲乳耳前後頸間至缺
盆以手推尋其筋結小核如貫珠隱於肌肉之間小
便不調面色青黃形氣羸瘦此稟母之肝火爲患用
九味蘆薈丸五味異功散加山梔柴胡與兒飲之又
以加味道遙散與母服之尋愈 一小兒患虛羸耳
出穢水左手尺關洪數而無力余爲清肝補腎耳中

雖愈脉未全歛畢姻後患瘵證誤服黃檗知母之類
復傷元氣不勝寒暑勞役無日不病幾至危殆余大
補脾腎滋養元氣而愈 一小兒患證如前肢體消
瘦面色痿黃大便酸臭此脾虛食積用四味肥兒丸
五味異功散治之而愈 一小兒九歲吞酸惡食肌
體消瘦腹中作痛余謂食積虛羸也用保和丸而愈
後腹中數痛皆服保和丸余曰此因脾胃虛而飲食
所傷也當調補脾土以杜後患不信後腹痛喜按余
用五味異功散二劑因未應自用平胃散等藥腹脹
作痛余仍以異功散加木香四劑而愈若屢用攻伐

之劑陰損元氣多致虛羸慎之

參苓白朮散

方見不乳食

地黃丸

加肉桂壹兩名加減八味丸

治小兒肝經虛熱血燥或風

客淫氣而患瘰癧結核或四肢發搐眼目抽動痰

涎上湧又治腎疳腦熱消瘦手足如冷寒熱往來

滑瀉肚脹口臭乾渴齒齦潰爛爪黑面鰲遍身兩

耳生瘡或兩耳出水或發熱自汗盜汗便血諸血

失瘡等證其功不可盡述

即六味地黃丸方見腎藏

補中益氣湯

治中氣虛弱體疲食少或發熱煩渴

等證

人參

黃耆

各壹錢

白朮

甘草

陳皮

各伍分

升麻

柴胡

各貳分

當歸

捌分

右薑棗水煎空心午前服

愚按前方若因藥尅伐元氣虛損惡寒發熱肢體
倦怠飲食少思或兼飲食勞倦頭痛身熱煩躁作
渴脉洪大弦虛或微細軟弱右寸關獨甚者宜用
之凡久病或過服尅伐之劑虧損元氣而虛證悉
具者最宜前湯若母有脾胃不足之證或陰虛內
熱致兒爲患者尤宜用之

八珍湯 四物四君合用

錢氏異功散 治脾胃飲食少思吐瀉不食凡虛冷

證先與數服以正胃氣

即五味異功散見吐瀉

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母脾胃虛兒患此證亦當服之

外臺小品療四五歲兒因食及在胎中宿熱乳母飲食麤惡辛苦乳汁不起兒哺不爲肌膚心腹痞滿痿黃瘦瘠四肢痿躄繚戾服之令充悅方

芍藥

拾分炙

黃耆

鼈甲

炙

人參

各肆分

柴胡

捌分

茯苓

陸分

甘草

炙

乾薑

各貳分如熱以枳實代

右八味搗篩蜜和為丸如大豆服五丸日二服忌

如常法千金有大黃無黃耆服一九一歲以上

乳服三丸七歲兒服十九日二

聖惠黃耆丸治小兒羸瘦體熱面色痿黃不欲乳

食

黃耆

坐

赤芍藥

人參

天蘆頭

甘草

炙微赤

胡黃連

各半兩

麥門冬

去心倍

鼈甲塗醋炙微黃去裙襴各壹兩

柴胡去苗叁分

右件藥搗羅爲末鍊蜜和丸如麻子大不計時候以粥飲下五丸量兒大小以意加減

秦艽丸 治小兒羸瘦體熱心神煩悶小便赤黃

秦艽去苗

桑根白皮剉

枳殼麩炒微黃去瓢

地骨皮

黃耆剉

人參去蘆頭

赤茯苓

甘草炙微赤剉

犀角屑各半兩

龍膽去蘆頭壹分

柴胡叁分去苗

右件藥搗羅爲末鍊蜜和丸如菉豆大不計時候用粥飲下五丸更隨兒大小增減

麥門冬丸 治小兒雖食不着肌膚羸瘦骨熱小便

赤黃

麥門冬

去心焙
壹兩

人參

去蘆
頭

黃耆

剉

青蒿子

黃連

去鬚

桑根白皮

剉

枳殼

麩炒微
黃去穰

地骨皮

各半
兩

柴胡

去苗
叁分

右件藥搗羅爲末鍊蜜和丸如菉豆大不計時候

以熟水研五丸服量兒大小以意加減

燒黃瓜丸

治小兒羸瘦體熱乳食全少

黃瓜

大者
壹枚

陳橘皮

湯浸去
白瓢焙

黃連

去鬚
半兩

鼈甲

童子小便浸三宿
炙微黃去裙襖

胡黃連

柴胡去苗各壹兩

右件藥搗細羅爲散以黃瓜切開頭去瓢內藥末令滿以切下蓋子蓋之用香麥麴和搜固濟可厚三分於塘灰火內燒令麴焦黃爲度取出去麴放冷入麝香壹錢都研和丸如菉豆大每服食前米飲下七丸更量兒大小以意加減

大黃丸 治小兒胃氣不調不嗜食不生肌肉

大黃

乾地黄

茯苓

當歸

柴胡

杏仁各叁分

右爲末蜜丸麻子大飲下五丸日進三服